



menderma

panggilan telefon

tertinggal

menyimpan barang-barangnya

beg duit

kelam-kabut

mendekati

menoleh

Pengenalan

Cuaca pada pagi itu amat cerah. Angin bertiup sepoi-sepoi bahasa. Kedengaran juga bunyi burung berkicau mencari makan. Pada pagi itu, Lukman berada di sebuah taman untuk mengutip derma bagi sekolahnya. Kesemua hasil pungutan derma akan diserahkan kepada badan kebajikan. Tiba-tiba, seorang wanita mendekatinya lalu memasukkan sekeping wang kertas ke dalam tin derma.

“Terima kasih, Puan,” kata Lukman kepada wanita itu sambil memerhatikan bahawa wanita itu ada membawa beberapa buah beg. (70 perkataan)

.....

Penutup 1

Lukman memberitahu wanita itu bahawa salah sebuah begnya telah tertinggal. Beg itu telah diambil oleh seorang lelaki yang berada di tempat itu. Mendengarkan kata-kata Lukman, wanita itu segera pergi mencari lelaki itu dengan bantuan Lukman. Mujur, mereka dapat menemui lelaki itu tidak jauh dari situ. Mereka pun mendekatinya.

“Maaf, sebenarnya saya ingin serahkan beg ini ke Pondok Polis yang berdekatan,” kata lelaki itu.

Setelah mengetahui bahawa beg itu kepunyaan wanita itu, lelaki itu pun memulangkan beg tersebut kepadanya. Lukman sedar bahawa dia telah buruk sangka terhadap lelaki itu. Peristiwa itu mengajarnya agar bersangka baik. (94 perkataan)

Penutup 2

“Maaf Puan, saya ini serahkan beg ini kepada puan. Puan tertinggal beg ini di tempat tadi,” kata Lukman kepada wanita itu.

Lukman juga memberitahu wanita itu bahawa dia terpaksa mengambil beg itu daripada seorang lelaki. Lelaki yang berada di tempat tadi telah cuba untuk melarikan beg itu. Barulah wanita itu sedar bahawa begnya telah tertinggal. Dia mengucapkan terima kasih kepada Lukman. Sebelum wanita itu beredar, dia memasukkan lagi beberapa keping wang kertas ke dalam tin yang dibawa Lukman. Lukman tersenyum tanda senang hati. (83 perkataan)